

Fréttabréf 5

18. febrúar 2008

5. tbl. skólaárið 2007—2008

Ágætu foreldrar og forráðamenn nemenda í Grunnskólanum í Borgarnesi

Þá er fréttabréf nr. 5 komið út. Greint verður frá því sem framundan er s.s. annaskilum og sérstökum viðburðum.

1. Annaskil

Nú er komið að skilum mið – og vorannar. Nemendur fá tveggja daga frí við skilin en frí er mánudaginn 25. febr. og síðan eru foreldraviðtöl þriðjudaginn 26. febr. Forráðamenn koma til með að fá sendar heim upplýsingar um viðtölin núna fyrir helgi. Forráðamenn eru beðnir um að kynna sér námsmat barna sinna á heimasvæði Mentor áður en komið er í viðtölin. Meðfylgjandi þessu fréttabréfi, eða í sérstökum pósti, er skjal með nánari upplýsingum um námsmatið. Verður það einnig að finna á heimasíðu skólans. Tímstundaskólinn verður opinn þessa tvo daga frá kl. 8 – 17.

2. Símamál

Alltaf er nokkuð um það að nemendur þurfa að hringja heim á skólatíma eða eftir skóla. Oftast er um að ræða að afla leyfis til að fara eitt og annað með vinunum. Við höfum verið afar liðleg með það að leyfa þessar hringingar en í þessu sambandi er rétt að benda á að í skólanum er símasjálfsali og þurfa nemendur því að hafa smápeninga (10 kr.)í pennaveskinu svo unnt sé að nota hann.

3. Upplestrarkeppni

Líkt og undanfarin ár tókum við þátt í árlegri upplestrarkeppni fyrir 7. bekki skólanna. Undankeppnin hér í skólanum fer fram n.k. fimmtudag, 21. febrúar.

4. Foreldraviðtöl

Eins og kemur fram hérna að framan verða forráðamenn boðaðir til viðtala hingað í skólann þriðjudaginn 26. febrúar. Við viljum biðja forráðamenn 4., 7. og 10. bekkjar nemenda að gera ráð fyrir því að svara stuttri viðhorfakönnun sem lögð er rafrænt fyrir í tölvuveri skólans. Það er okkur mikilvægt að fá þessar upplýsingar frá ykkur varðandi sjálfsmat skólans og starfið í nánustu framtíð.

5. Páskafrí

Páskafrí hefst að lokinni kennslu föstudaginn 14. mars og hefst kennsla aftur skv. stundaskrá þriðjudaginn 25. mars.

6. Nemendaferðir

9. bekkur fór á sjó s.l. miðvikudag. Var farið frá Akranesi með skólaskipinu Dröfn. Þarna kynntust nemendur sjósókn og fleiru er tengist sjónum og sjómennsku. 8. bekkur fór svo í skíðaferð til Akureyrar og voru þar í tvo daga. Báðar þessar ferðir gengu að óskum og almenn ánægja með þær. Þriðjudaginn 19. febrúar fara svo 6. bekkingar til Reykjavíkur. Heimsækja þeir Rafheima og kynna sér allt um raforku og einnig fara þeir á skauta.

7. Samræmd próf

Nú stýttist í samræmd próf hjá nemendum 10. bekkja. Þar sem margir nemendur eru í vinnu með námi beinir skólinn því til forráðamanna að þeir hugi að því að vinnan bitni ekki á lestri og öðrum undirbúningi fyrir lokaprófin í vor.

Ekki fleira að sinni

Bestu kveðjur

Kristján Gíslason skólastjóri